


Biztanleko gastua, gizarte-zerbitzuetan, %14 hazi zen 2008an Euskal AEn

65 urte eta gehiagoko biztanleriaren %15 artatu zuten gizarte-zerbitzu espezializatuek

Euskal AEko gizarte-zerbitzuak: bertan egindako gastua, 2008an, 1.861 milioi euro izan zen. Aurreko urtean baino %15 gehiago, Eustaten datuen arabera. Gastu hori euskal BPGren %2,7 izan zen, biztanleko 860 euro bataz beste, aurreko urtean baino %13,9 gehiago; horietatik, 623 funts publikoetatik etorri ziren.

Herrialdeka, gastua %17 handitu zen Araban, %15 Bizkaian, eta %13 Gipuzkoan. Biztanleko gasturik handiena Arabak egiten du, 995 euro batez beste; Bizkaian 847 dira eta Gipuzkoan 821.

Grafikoa: Biztanle bakoitzeko gastuaren bilakaera, gizarte-zerbitzuetan



Iturria: EUSTAT. Gizarte-zerbitzuen eta gizarte-ekintzaren estatistika

Herri-administrazioek guztizko gastuaren %72 ekarri zuten, 1.347 milioi euro; sektore pribatuak gainerako %28. Gastatutako lau eurotako bat erabiltzaileen kuoten eta beste salmenten bidez finantzatu zen. Guztirako horretatik, egoitzetan bizi diren adinekoek 200 milioi ekarri zituzten; kopuru hori zentro horien gastu arruntaren %46 da.

Sektorean, zuzenean, emakume landunen %4,1 aritu zen lanean

2008an gizarte-zerbitzuetan 480 lanpostu berri sortu ziren; zuzenean 24.683 pertsona enplegatu ziren (landunen %2,6); horietako %70 emakumeak (emakume landunen %4,1). Kopuru horretan ez daude azpikontratatuak, etxez etxeko laguntzakoak eta zuzeneko arretakoak, zeinen dedikazio-orduak 5.000 enplegu baino gehiago izan ziren dedikazio osoan. Boluntarioak 18.958 pertsona izan ziren 2008an; haiek egindako lana 1.762 dedikazio osoko enplegu adina; jakina, ez dute soldatarik jasotzen.

1. taula: Aldagai nagusien bilakaera

	2007	2008	Δ% 08/07
Gastua (mila euro)	1.622.565	1.861.067	14,7
- Gastu arruntak	1.212.025	1.342.916	10,8
- Familiatarako transferentziak	332.250	425.215	28,0
- Kapital-gastuak	78.289	92.936	18,7
Gastua/Biztanleko (euro)	755,5	860,4	13,9
Gastua/BPG (%)	2,44	2,72	-
Finantzaketa			
- Finantzaketa publikoa	1.142.199	1.346.932	17,9
- Finantzaketa pribatua	480.366	514.135	7,0
Giza baliabideak			
Langileak guztira	42.965	43.641	1,6
- Bertako langileak	24.203	24.683	2,0
- Borondatezkoak	18.762	18.958	1,0
Material-baliabideak			
- Izakunde-kop.	1.348	1.370	1,6
- Zentro-kop.	2.783	2.944	5,8
- Egoitza-kop.	897	994	10,8
- Egoitza-plazak	23.563	24.081	2,2

Iturria: EUSTAT. Gizarte-zerbitzuen eta gizarte-ekintzaren estatistika

Biztanle guztientzako zerbitzuek eta adinduentzako zentro espezializatuak hartzen dituzte baliabideetarik gehien; izan ere, bi horietara joaten da gastuaren %68.

Biztanle guztientzako baliabideetan nabarmentzen dira, kopuruagatik eta bilakaeragatik, familiei egindako transferentziak. Hortxe daude Oinarritzko Errentaren (OE) programak, 203 milioi (%+17), eta Gizarte Larrialdietarako Laguntzak (GLL), 45 milioi, (%+9). Bi programa horietan biztanleko 115 euroko gastua dago, batez beste Euskal AEn; nabarmentzekoa da Bizkaiko kasua, 158 euro biztanleko; Araban 94 eta Gipuzkoan 53.

65 urte eta gehiagoko biztanleriaren %15 artatu zuten gizarte-zerbitzu espezializatuak

Adinduentzako gizarte-zerbitzuetako arreta, batez ere, honakoak: egoitza-zerbitzuetako prestazioak, eguneko asistentzia zentroak, etxez etxeko laguntza eta tele-asistentzia.

2008an 18.108 plaza eskaini ziren egoitzetan; alegia, 65 urte eta gehiagoko 100 pertsonako 4,4 plaza. Plaza horietako %34 administrazio publikoak eskaini zituen, titulartasun publikodun zentroetatik, eta antzeko ehunekoa (%30) hitzartu zuen erakunde pribatuekin.

Eguneko asistentzia zentroetan, 3.706 izan ziren plazak (%+7). Plaza horietako %86 administrazio publikoak eskaini zituen, zuzenean edo hitzarmen bidez.

Etxez etxeko laguntza zerbitzuak (ELZ) 23.905 adindun artatu zituen (65 urte eta gehiagoko biztanleriaren %5,8).

17.226 adindunek izan zuten tele-asistentzia etxean.

2007.enaren aldean, %11 hazi zen ELZren erabiltzaile-kopurua; arreta-orduak erritmo motelagoz (%+5) hazi ziren. Zerbitzu honen guztizko gastua 85,8 milioi euro izan zen (aurreko urtean baino %11 gehiago). Erabiltzaileko batez besteko urteko gastua 3.233 euro, eta %91an sektore publikoak finantzatu zuen.

2. taula: gastuaren bilakaera eta banaketa biztanleria motaren arabera

	2007	2008	Δ% 08/07
Gastua (mila euro uneko)	1.622.565	1.861.067	14,7
Biztanleria oro har	586.943	715.722	21,9
- Familietarako transferentziak	328.716	421.093	28,1
Haur-Gazteak	69.532	79.189	13,9
- Egoitzak	46.093	58.869	27,7
Zaharrak	493.680	547.685	10,9
- Egoitzak	424.471	456.165	7,5
Ezgaituak	384.213	414.423	7,9
- Egoitzak	66.896	80.442	20,2
- Lanbide-zentroak eta EZB (1)	248.631	258.330	3,9
Emakumeak	11.137	15.625	40,3
Zokoratuak	77.060	88.423	14,7

(1) Enplegu-zentro bereziak

Iturria: EUSTAT. Gizarte-zerbitzuen eta gizarte-ekintzaren estatistika

Argibide gehiago nahi izanez gero:

Euskal Estatistika Erakundea / Instituto Vasco de Estadística

Donostia-San Sebastián kalea 1, 01010 Vitoria-Gasteiz.

Tel:+34-945-01 75 00 Faxe:+34-945-01 75 01 Posta elektronik.: eustat@eustat.es

Harremanetarako pertsona: Matxalen Plagaro

Tel:+34-945-01 75 99 Faxe:+34-945-01 75 01

Euskal AEko Gizarte-zerbitzuen eta gizarte-ekintzaren estatistikari buruzko prentsa-ohar gehiago

Euskal AEko Gizarte-zerbitzuen eta gizarte-ekintzaren estatistikaren datu-bankua